

## Persónuverndarstefna Bogfimisamband Íslands (BFSÍ)

### 1. Almennt

Bogfimisamband Íslands, kt. 680120-1020, til heimilis að Engjavegi 6, 104 Reykjavík (hér eftir vísað til sem „BFSÍ“) leggur ríka áherslu á að vernda persónuupplýsingar sem unnið er með í starfseminni. Persónuverndarstefnu þessari er ætlað að skýra hvernig við öflum og notum persónuupplýsingar og hvaða réttindi einstaklingar eiga sem skráðir eru hjá BFSÍ.

BFSÍ leitast við að öll vinnsla persónuupplýsinga innan sambandsins fari fram í samræmi við ákvæði laga nr. 90/1018 um persónuvernd og vinnslu persónuupplýsinga. BFSÍ telst vera ábyrgðaraðili í skilningi laganna og ber samkvæmt því ábyrgð á því hvernig persónuupplýsingar eru unnar í starfseminni.

BFSÍ hefur mótað persónuverndarstefnu sem hér er lýst og hefur að markmiði að auðvelda þeim sem hana lesa að átta sig á hvaða upplýsingum BFSÍ safnar um einstaklinga, í hvaða tilgangi og hvað gert er við þær. Einnig er lýst rétti einstaklings varðandi persónuupplýsingar og skýrt hvert hann getur leitað ef hann óskar eftir upplýsingum eða þykir á sér brotið.

### 2. Meginreglur Persónuréttar

Við höfum ávallt í huga meginreglur persónuréttar við vinnslu persónuupplýsinga. Þessar reglur fela meðal annars í sér að persónuupplýsingar séu:

- Áreiðanlegar og uppfærðar reglulega
- Unnar með lögmætum, sanngjörnum og gagnsæjum hætti
- Fengnar í skýrt tilgreindum og málefnalegum tilgangi
- Unnar í hófsemi og miðast við tilgang söfnunar
- Varðveittar með öruggum hætti og ekki lengur en þörf er á

Við leitumst við að öll vinnsla persónuupplýsinga sé viðhöfð með hliðsjón af meginreglunum þannig að tryggja megi réttindi einstaklinga sem best.

### 3. Um hverja og hvaða persónuupplýsingum safnar BFSÍ og hvernig?

Vinnsla persónuupplýsinga hjá BFSÍ fer í flestum tilfellum fram í tengslum við samþykktu félagsaðild aðildarfélags eða á grundvelli lögmætra hagsmuna, samnings eða laga. BFSÍ vinnur meðal annars persónuupplýsingar um:

- Umsækjendur um starf hjá BFSÍ
- Starfsmenn
- Félagsmenn aðildarfélaga innan BFSÍ
- Keppendur á mótum sem haldin eru innan vébanda BFSÍ
- Viðskiptamenn

---

Ólíkum upplýsingum er safnað um ólíka flokka einstaklinga. Til dæmis er umfangsmeiri upplýsingum safnað um starfsmenn heldur en félagsmenn aðildarféлага innan BFSÍ. Dæmi um upplýsingar sem við vinnum með eru:

- Starfsumsækjendaupplýsingar, svo sem nafn, kennitala, heimilisfang, fyrri störf og menntun, kunnátta og fleiri upplýsingar í tengslum við starfsumsóknir.
- Starfsmannaupplýsingar, svo sem nafn, kennitala, mynd, lögheimili, sími, netfang, starfsheiti, bankareikningur og fleira. Við kunnum einnig að vinna viðkvæmar persónuupplýsingar um starfsmenn, eins og heilsufarsupplýsingar vegna veikinda og upplýsingar um stéttarfélagsaðild.
- Félagsmanna- eða iðkenda upplýsingar, svo sem nafn, kennitala, netfang, hlutverk í hreyfingu.
- Upplýsingar um keppendur, svo sem nafn, kennitala, kyn, árangur, heiti móts, tegund móts.
- Viðskiptamannaupplýsingar, svo sem nafn, netfang, tengsl við fyrirtæki, símanúmer, starfsheiti og samskiptasaga.

Ekki er um tæmandi upptalningu að ræða, en persónuupplýsingarnar sem unnið er með koma venjulega beint frá skráðum einstaklingi. Upplýsingar geta þó einnig komið frá þriðja aðila eins og t.d. ef sóttar eru upplýsingar úr Sportabler, Nóra eða Felix gagnagrunnum.

#### **4. Hver er grundvöllur og tilgangur vinnslunnar?**

BFSÍ vinnur persónuupplýsingar um einstaklinga á grundvelli samþykkis, einkum um félagsmenn innan aðildarféлага BFSÍ. Einnig í markaðstilgangi, til dæmis þegar við sendum út fréttabréf eða markpósta, byggjum við á upphaflegu samþykki einstaklingsins.

Þegar upplýsingar um félagsmenn innan aðildarféлага BFSÍ eru skráðar í félagakerfi ÍSÍ (Felix) þá er það gert á grundvelli lögmeðtra hagsmuna sem felast einkum í lottógreiðslum, tölfræðivinnslu og sögulegs tilgangs.

BFSÍ heldur einnig utan um árangur félagsmanna aðildarféлага á mótum sem haldin eru innan BFSÍ. Tilgangur þessa er að halda utan árangur og afrek innan bogfimiíþróttar, þannig að félagsmenn innan aðildarféлага sambandsins geti fylgst með framförum sínum og einnig til þess að geta verðlaunað þá sem náð hafa mestur árangri í íþróttinni og þá sem náð hafa mestum framförum í íþróttinni.

Á bogfimiímótum sem haldin eru á vegum BFSÍ eru teknar ljósmyndir og kvikmyndir þar sem einstaklingar eru persónugreinanlegir. Myndir þessar eru notaðar í þeim tilgangi að kynna íþróttina og auka áhuga á henni. Einnig tilgangur myndanna að vera söguleg heimild um bogfimiíðkun hér á landi og starfsemi BFSÍ.

Í sumum tilvikum vinnum við persónuupplýsingar einstaklinga á grundvelli samningssambands. Það á við einkum um starfsumsækjendur, starfsmenn, viðskiptamenn, birgja og verktaka. Það getur einnig verið í þeim tilgangi að koma slíku samningssambandi á. Við kunnum einnig að vinna persónuupplýsingar um keppendur á grundvelli samnings.

Þá fer vinnsla fram til að uppfylla lagaskyldu sem hvílir á okkur, svo sem í tengslum við útgreiðslu launatengdra gjalda, samkvæmt vinnuréttarlöggjöf eða á grundvelli jafnréttis laga, svo sem þegar við skráum upplýsingar um kyn félagsmanna.

Viðkvæmar persónuupplýsingar eru einkum unnar um starfsmenn og keppendur á grundvelli samnings eða lagaskyldu. Í þeim tilvikum höfum við gert viðeigandi verndarráðstafanir í samræmi við gerðar kröfur.

---

## 5. Miðlun persónuupplýsinga

Almennt miðlar BFSÍ ekki persónuupplýsingum einstaklinga sem eru skráðir hjá okkur. BFSÍ kann þó að miðla persónuupplýsingum til þriðja aðila við ákveðnar aðstæður. Til dæmis getur verið um að ræða þjónustuaðila eða verktaka sem veita ákveðna þjónustu, eins og ÍSÍ, UMFÍ, Greiðslumiðlun og Reykjavíkurborg. Getur þá verið nauðsynlegt að veita slíkum aðila aðgang að persónuupplýsingum.

Þegar slíkir aðilar hafa aðgang að persónuupplýsingum vegna eðli þjónustunnar sem um ræðir tryggir BFSÍ að aðeins séu afhentar persónuupplýsingar sem eru nauðsynlegar og um ábyrga vinnsluaðila sé að ræða sem bjóða upp á þjónustu sem uppfyllir skilyrði persónuverndarlaga, m.a. með tilliti til öryggis persónuupplýsinga.

## 6. Öryggi

Mikið er lagt upp úr öryggi persónuupplýsinga hjá BFSÍ og hefur verið gripið til viðeigandi tæknilegra og skipulagslegra ráðstafana til að vernda persónuupplýsingar, með hliðsjón af eðli og umfangi þeirrar vinnslu sem um ræðir. Í því felst meðal annars innleiðing ferla og verklags, sem og tæknilegar öryggisráðstafana, sem taka tillit til eðli upplýsinganna sem um ræðir og áhættu fyrir skráða einstaklinga.

Verði öryggisbrestur sem varðar persónuupplýsingar og hefur í för með sér áhættu fyrir skráða einstaklinga mun BFSÍ tilkynna slíkt án ótilhlýðilegra tafa til Persónuverndar. Í ákveðnum tilfellum ber BFSÍ einnig að tilkynna skráðum einstaklingum um öryggisbresti.

## 7. Varðveisla

BFSÍ geymir persónuupplýsingar í þann tíma sem nauðsynlegt er til að uppfylla tilgang vinnslunnar sem um ræðir nema lengri geymslutíma sé krafist eða hann leyfður samkvæmt lögum. Lög sem okkur bera að fylgja ertu t.d. lög um bókhald sem kveða á um 7 ára geymslutíma gagna.

Sé möguleiki á því að þörf verði fyrir persónuupplýsingar síðar til að uppfylla lagaskyldu eða vegna lögmætra hagsmuna, mun BFSÍ varðveita þær persónuupplýsingar með eins öruggum hætti og nauðsyn ber til.

## 8. Réttindi skráðra einstaklinga

Einstaklingar geta óskað eftir upplýsingum um vinnslur BFSÍ og einnig geta þeir óskað eftir því að nýta önnur réttindi með því að senda skriflega fyrirspurn á netfangið: [bogfimi@bogfimi.is](mailto:bogfimi@bogfimi.is) - dæmi um réttindi einstaklinga eru:

- Aðgangur að skráðum persónuupplýsingum.
- Afrit af persónuupplýsingum, réttur til leiðréttingar persónuupplýsinga og eyðingar.
- Mótækla vinnslu vegna beinnar markaðssetningar og/eða takmarka vinnslu.
- Draga til baka samþykki fyrir vinnslu.
- Óska eftir því að persónuupplýsingar séu fluttar til annars aðila.

Einstaklingar kunna að eiga frekari réttindi í tengslum við vinnslu BFSÍ á persónuupplýsingum. Þá kunna réttindi einstaklinga að vera háð takmörkunum sem leiða meðal annars af lögum eða lögmætum hagsmunum BFSÍ. Við munum óska eftir staðfestingu á auðkenni þeirra einstaklinga sem óska eftir aðgangi að persónuupplýsingum á grundvelli reglugerðarinnar, svo sem með ökuskríteini eða vegabréfi. Það er gert til þessa að tryggja það að upplýsingarnar berist ekki í hendur óviðkomandi aðila.

---

## 9. Samskipti við BFSÍ og Persónuvernd

Fyrirspurnum vegna persónuverndarmála BFSÍ er unnt að beina á netfangið [bogfimi@bogfimi.is](mailto:bogfimi@bogfimi.is) eða með því að hringja í síma 888-6072. Komi upp ágreiningur um meðferð persónuupplýsinga hjá BFSÍ er unnt að senda kvörtun til Persónuverndar. Upplýsingar um hvernig hafa má samband við Persónuvernd má finna á heimasíðu Persónuverndar: [www.personuvernd.is](http://www.personuvernd.is).

## 10. Breytingar

Persónuverndarstefnan er endurskoðuð reglulega og kann því að taka breytingum. Breytingar á stefnunni öðlast gildi við birtingu nýrrar útgáfu persónuverndarstefnunnar á heimasíðu BFSÍ, sbr.: [www.bogfimi.is](http://www.bogfimi.is)

**Samþykkt af stjórn BFSÍ 30.04.2021**